

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Nos a drenta nos di 2 siman di kuaresma kaba. Pero esei no kier men ku nos no tin Plenchi pa bo. Nos ta sigui informabu di tur loke ta pasa na nos skolnan. Na skolnan tambe nos ta konsientisá nos muchanan di e temporada di kuaresma, i kiko e ta nifiká pa katólikonan.

Hala bo stul pone na un lugá fresku, pone bo glas di awa di lamunchi klá pa bo por disfrutá di bo Plenchi di skol.

Riba roster

Not'é riba bòrchi

Ayuno su meta

Den agènda

27 aprel dia di Rey

1 di mei dia di obrero

Skol ta será: 13 di aprel te ku 1 di mei

Riba rapòrt

Mi ta konta

Ruman Ohochi

Riba un dia un mama tabata duna lus na su ohochi. Esun promé a nase fásil i kontentu. E di dos no kier a Sali. El a keda pegá paden i mester a bringa masha pa saké. El a nase, pero su mama a fayesé.

Tuyo, nan tata, no por a aseptá e perdida di su kasá. EL a disidí ku e promé yu ku e la yama Carlos, lo e stimé i dune tur su kariño. Pero esun ku a mata su mama, ku el a yama Juan, si lo e no stimé.

Carlos tabata haña tur kariño i tur kos de lo mehor. Pedro tabatin mag di bisti tur loke Carlos ya no por bisti mas, paña bieu i usá.

Maske nan tabata parse otro manera dos gota di awa, semper tur hende tabata rekonosé nan na nan paña. Esun semper den ultima moda di kabes te pia, e otro ku paña bieu ku ya a bai for di moda.

Dia e tata tabata na su kama di morto el a yama su yu stimá Carlos. “Carlos bo mes sa tur kos ta keda pa bo, Juan no ta haña nada di mi.” Su yu a puntra:”Pero Tata, no ta un bon momento pa bo hasi bon ku Juan?”

E tata a kontestá: “Nunka di mi bida, mi ta muri trankil di sa ku mi a dune tur mi odio.”

El a keda wak su tata i a kontestá: “Tata mi mester konfesá algu. Nos tabata kambia paña ku otro kada dia pa asina nos kada un por tabata bo yu stimá kada dia salta.”

E tata ku rabia a kontestá: “Awel mitar di su bida si mi a odié anto, maske ta esei ta mi satisfakshon.”

E yu: “Kua di nan Tata? Paso esun tabata tin amor di su tata mitar di su bida i e kariño i sakrifisio di su ruman e otro mitar di su bida.”

Tata: “Abo ta kua abo ta?”

E yu: “Un di bo yunan ku a stimabu.”

E yunan a bira lomba i sali bai laga nan tata sin bira wak patras.

Un prenci

Mucha djispou

Dos polis ta kita pa un kacho i ta bai dal den un kurá di kas. Nan ta spanta i despues ku nan por papia esun ta komentá: “Esaki ta e manera di mas lihé pa yega ora tin un aksidente.”